

ILANNGUSSAQ 1

Siunnersuut " 3E5-3 Nuuk Airport" pillugu tamanut saqqummiunneqareernerani akissuteqaatit iluarsisassatullu innersuussutit pillugit suliarineqarnera

Kommunimut pilersaarummut tapiliussamut siunnersuut 3E5-3-p sapaatip-akunnerini arfinilinni, piffissami 09. oktobarimiit 20. novembari 2019-imut, tamanut Kommunalbestyrelsimit tusarniaassutigineqarpoq.

Tusarniaassummut akissuteqaat ataaseq piffissaq eqqorlugu tiguneqarpoq.

Ingerlatsivimmit akissutigineqartoq pingasunut immikkoortunngorlugu agguataarneqarpoq: Tunngaviusoq, Aaqqitassat aamma Allanguuteqanngitsoq

Tunngaviusoq	Aaqqitassat	Allanguuteqanngilaq.
--------------	-------------	----------------------

"Tunngaviusunut tunngasut" pingaaruteqartuupput imaluunniit allanguutaapput annertuut, taakkuuppullu politikikkut oqaluuserineqartariaqarsinnaasut. "Aaqqitassanut tunngasut" iluarsisassaapput annikitsut taavalu "Allanguuteqanngitsumik" allaqqasoqartillugu, allanguisoqassanngilaq imaluunniit aaqqitassaqaassanngilaq.

1. Kalaallit Airports A/S ulloq 18. novembarip 2019 e-mailikkut

1.1 Akerliliisup erseqqissaatigaa, "Aqqa tassaavoq: Kalaallit Airport International A/S"

1.1 pillugu

Tunngaviusoq	Aaqqitassat	Allanguuteqanngilaq
Ingerlatsiviup kukkuneq iluarsissavaa		

1.2 "Qupperneq 5 immikkoortoq 1.2 – pilersaarummi siunertaq tunngaviillu: Mittarfik takissuseqassaaq 2200 m. – "tikillugu" pinnagu.

1.2 pillugu

Tunngaviusoq	Aaqqitassat	Allanguuteqanngilaq
Pilersaarummi teknikkitaanut tunngatillugu 2200 m. <u>tikillugu</u> mittarfiliornissamut periarfissiisoqarpoq, tamannalu erseqqissaatigalugu ingerlatsivimmit oqaasertai attatiinneqarput.		

1.3

”Qupperneq 7 immikkoortoq Immikkualuttoq B: Aamma biilnut inissiiveqartitsisoqassaaq”

1.3 pillugu

Tungaviusoq	Aaqqitassat	Allannguuteqanngilaq.
Immikkoortumi siunertat pillugit allattorsimaffimmut biilnut inissiiviit ingerlatsivimmit ilanngunneqassapput.		

1.4

”Qupperneq 8 takussutissiaq 7: Illu sullissivik nalinginnaasumik suliffissuartut haliussaaq sisammik sanaaq.”

1.4 pillugu

Tungaviusoq	Aaqqitassat	Allannguuteqanngilaq
Illu sullissiviup titartarneqarnera ingerlatsivimmit peerneqassaaq, taamaattoqassappat eqqunngitsuussammat.		

1.5

”Qupperneq 9 – immikkualuttut C aamma D: Uani oqaatigineqartariaqarpoq immikkoortoqartoq ataqqineqartussaasunik akornusiisoqarfigeqqusaanngitsunik.”

1.5 pillugu

Tungaviusoq	Aaqqitassat	Allannguuteqanngilaq
Ingerlatsiviup erseqqissaatigissavaa, immikkoortortaq tamarmi akornusiisoqarfigeqqusaanngitsunut ilaammat, tamannalu aalajangersagartaanut tunngasumi nassuiarneqarpoq.		

1.6

Akerliliisup immikkualuttoq F-ip atorneqarneranut atatillugu nutaanik kissaateqarluni oqaatigaa:

”Oqaatigineqassaaq immikkualuttup F-ip kujataata tungaa entreprenørrip illuaraqarfiatut ullumikkut atorneqartoq. Eqqarsaatigineqarpoq nunaminertap ilaa allat saniatigut biilnik inissiisarfittut atorneqarsinnaassasoq.”

”Immikkualuttoq F pillugu, mittarfimmi atugassanik ikummatissanut tankinik sanaartornissamut periarfissaqartariaqarpoq.”

1.6 pillugu

Tungaviusoq	Aaqqitassat	Allannguuteqanngilaq.
Ingerlatsivimmit erseqqissaatigineqassaaq sanaartornerup nalaani <u>utaqqiisaasumik</u> nunaminertamik atugassiisoqarsimasoq, immikkoortorli Kalaallit Airport International A/S-imut (KAIR) atugassiisutigineqanngilaq. Suliniuteqartulli allat immikkoortup ilaani tassani pilersitsinissaannut periarfissinneqassasut siunertaavoq. Taamaattumik immikkualuttumi F-imi KAIR-ip allat saniatigut biilnut inissiivinnik pilersitsinissamut pilersaaruteqarnera naleqqutinngilaq.		
Immikkualuttup F-ip sanaartorfiunnginnerani imaluunniit ataavartumik atorneqalinnginnerani immikkut ittumik kommunimut pilersaarummut tapiliussami sukumiisumik aalajangersakkanik suliaqartoqassaaq.		

1.7

”Qupperneq 10 - immikkualuttoq G: Ujaqqurevik aasap 2023-p kingorna atorneqassappat, ujaqqurevimmi qaartiterinerit mittarfimmik ingerlatsinermut navianartorsiortitsissanersut misissorneqassaaq.”

1.7 pillugu

Tungaviusoq	Aaqqitassat	Allannguuteqanngilaq
Tamanna ingerlatsivimmit tusaatissatut tiguneqarpoq.		



1.8 "Qupperneq 11 – immikkoortoq siulleq – mittarfiup kusanarsakkamik ilusilersornera pillugu: Mittarfik kusanarsagaanikuunngilaq, siusinnerisukkulli ilisimatitsissutigineqareersutut ingeniørut sanaartugalarugu."

1.8 pillugu

Tungaviusoq	Aaqqitassat	Allannguuteqanngilaq
Ingerlatsiviup attappaa sanaartugaq taama annertutigisoq aamma kusanarsakkamik pilersarusiaq ilusilersorneqassasoq, illoqarfimmut annertuumik pingaaruteqartussaamat. Taamaattumik sanaartukkap ataatsimut isigalugu kusanarsakkamik suliarineqarnissaa attatiinnarneqartariaqarpoq.		

1.9 "Qupperneq 11 – immikkoortut aappaat una pillugu "Uani assersuutaasinnaavoq mittarfiup takissusia, inissisimanera kusanartumillu qaammarsarneqarnera ilisarnaateqartitsilersinnaasoq...."
: Mittarfeqarfimmi qullilersuineq timmisartornerup isumannaatsuunissaat mittarfimmillu ingerlatsinerup navianartorsiortitsissanngilaq."

1.9 pillugu

Tungaviusoq	Aaqqitassat	Allannguuteqanngilaq
Soorunami isumannaatsuunissaa pingartinneqassasoq ingerlatsiviup eqqumaffigaa, taamaattorli kusanartumik aaqqiinissamut akornutaanaviannngitsoq upperalugu.		

1.10 "Qupperneq 12 aputaajaneq apummillu biilnik allamut nuutsisarneq pillugu: KAIR-ip uparuassavaa aput aputillu aannera pillugu sanaatornermi VVM-imik akuersissummi Namminersorlutik Oqartussanit akuerineqarnikuusumi piumasaqaatit arlallit malinneqassasut. KAIR-ip kissaatigaa oqaasertai aaqqinneqassasut, taamaalilluni VVM-imik akuersissut kisimi innersuussutigineqarluni."

1.10 pillugu

Tungaviusoq	Aaqqitassat	Allannguuteqanngilaq
Aputaajaasarneq pillugu kommunimit malittarisassiat <u>aamma</u> malinneqartassasut ingerlatsivimmit naqissuserneqarpoq, tamannalu pillugu oqaaseqaatit attanneqarput.		

1.11 " Qupperneq 15 – sumiiffik B – naqitani quleriiaanni talerpiata tungaa: Immikkoortup B-p tamarmi mittarfimmi atugassanngortinneqarnissaa imaluunniit mittarfimmut tungasunik ingerlatsivinngortinnissaa isornartoqarpoq. Tamassuma kingunerissavaa mittarfimmi atugassanik ikummatissanut tankinik saniatigullu biilnik inissiivinnik aamma sanaartornissamut periarfissaqarneq."

1.11 pillugu

Tungaviusoq	Aaqqitassat	Allannguuteqanngilaq
Ingerlatsiviup erseqqissaatigaa, KAIR qanimut suleqatigalugu oqaasertalersorneqarsimasoq. Saniatigullu ingerlatsiviup erseqqissaatigissavaa, sanaartorfiit ataasiakkaat sumut atorneqarsinnaanersut nassuiaasersorneqarsimasut aammalu ikummatissanut tankinut sanaartorfissanik atugassiiisoqarsimannngitsoq.		

1.12 Aporfittut killeqarfigitinneqartut paasissutissanut ilanngussanut ilanngullugu titartarneqarnissaa akerliliisup kissaatigaa.

1.12 pillugu

Tungaviusoq	Aaqqitassat	Allannguuteqanngilaq
Aporfittut killeqarfigitinneqartut nassuiaasersorneqarnissaa ingerlatsiviup pisinnaatitaaffingikkaa ingerlatsiviup erseqqissaatigissavaa. Tamanna pillugu		

kommunimut pilersaarummut tapiliussami titartarneqanngillat killeqarfiup allanngortinneqaraluarpat atuutiinnarnissaa qulakkeerniarlugu.

1.13 Akerliliisooq §20.3 imm. 3 peerneqartariaqartoq nalilerpaa.

1.13 pillugu

Tungaviusooq	Aaqqitassat	Allannguuteqanngilaq
Ingerlatsiviup tamanna attappaa, tassa kontrolltårnip (mittarfimmi timmisartunik mittunik aallartunillu nakkutiginniffik) pilersinneqarnissaanut qulakkeerinnittoqartussaammat.		

1.14 Akerliliisup kissaatigaa §20.3 imm. 5-imi allassimassasooq sanaartugaaq pillugu "sumiiffimmi sanaartorneq mittarfimmi akuersissutinik pigisaqartumit akuerineqassaaq."

1.14 pillugu

Tungaviusooq	Aaqqitassat	Allannguuteqanngilaq
Ingerlatsiviup oqaaseqaatit attappai, kisianni siunissami illuliornissamut sanaartornissamullu atatillugu soqutiginnittut attuumassuteqartut peqataatissavai.		

1.15 §21.6 imm. 2-mut atatillugu, akerliliisup "uparuassavaa inissiat nutaat ikuallaaviup eqqaani sanaartorneqartut immaqqa mittarfimmit 700 meterinik qaninnerusut."

1.15 pillugu

Tungaviusooq	Aaqqitassat	Allannguuteqanngilaq
Ingerlatsiviup erseqqissaatigissavaa, aalajangersagaq pilersaarummi immikkuualuttumut atuummat. Saniatigullu erseqqissaatigineqassaaq, kingumut atuuttumik pilersaarusiortoqarsinnaanngitsoq, taamaattumillu inissiat pioreersut, inissialluunniit sanaartorneqartut peerneqarsinnaanngillat.		

1.16 "Qupperneq 17 – immikkoortoq 6.3 naqitani quleriaanni talerpiata tungaa: Oqaaseq nunap qulaani silaannaq atorneqanngilaq. Oqaaseq "killeqarfik" atorneqassaaq."

1.16 pillugu

Tungaviusooq	Aaqqitassat	Allannguuteqanngilaq
Oqaasertalerneru Ingerlatsiviup iluarsissavaa.		

1.17 Akerliliisup nalilerpaa, "Immikkoortut 7.1 aamma 7.2 peerneqarsinnaasut. Mittarfiup naanerata avannaata tungaani aqqusineq KAIR-ip pilersaarutaani piumasaqaataavoq."

1.17 pillugu

Tungaviusooq	Aaqqitassat	Allannguuteqanngilaq
Ingerlatsiviup oqaaseqaatit attatiinnarpai, pilersaarummi naammattunik aqqusineqarnissaa qulakkeerniarlugu.		

1.18 Akerliliisup erseqqissaatigaa "Mittarfiup tallissutaa apeqqutaalluni aqqusineqqat allat pilersinneqarsinnaapput. Qamuteralaat aqqutaat kisimi allamut sangutinneqarnissaa kommunimut isumaqatigiissutigineqarnikuuvoq.

1.18 pillugu

Tungaviusooq	Aaqqitassat	Allannguuteqanngilaq
Ingerlatsiviup nalilerpaa, attaviit isumannaarneqartut - aamma pisuinnarnut.		

1.19 Akerliliisup "kissatigaa titartakkat nutarterneqassasut" nassiullugulu "ilanngussaq 3 nutartigaa" tassanilu ersippoq akertiliiisup sanaartorfissat annertunerujussuit kissaatigigai.

1.19 pillugu

Tungavioq	Aaqqitassat	Allannguuteqanngilaq
Ingerlatsiviup sanaartorfissat angissusaat attappai, KAIR qanimut suleqatigalugu suliarineqarsimmata.		

1.20 Akerliliisup erseqqissaatigaa "illut aqqisa aaqqinnissat pisariaqartinneqarpoq."

1.20 pillugu

Tungavioq	Aaqqitassat	Allannguuteqanngilaq
Ingerlatsiviup sanaartorfissat taaguutaat aaqqissavai.		

1.21 Akerliliisup kissaatigaa §21 imm. 6 peerneqassasooq "Mittarfimmi utaqqisarfiup qaliaa aniingasunngorlugu isikkulersugaavoq, tassani isertarfimmi anorimut illersuuteqarluni.."

1.21 pillugu

Tungavioq	Aaqqitassat	Allannguuteqanngilaq
Ingerlatsiviup aalajangiussaq piissavaa.		

1.22 Akerliliisooq isumaqarpoq, elevatorinut, majuartarfinnut aamma silaannarissarfinnut illumi inissisimanerannut tunngasortai peerneqartariaqartut, atuuffii kiisalu illut "suliffeqarfissuurtut atuuttueneri" pissutigalugit

1.22 pillugu

Tungavioq	Aaqqitassat	Allannguuteqanngilaq
Ingerlatsiviup attappaa, illut isikkuanut tunngasunut aalajangersakkat atuutissasut. Illup pitsaasup silataa aammali atuuffia aaqqissuunneralu tamarmik eqqarsaatigineqassapput.		

1.23 Akerliliisup kissaatigaa "Una peerneqassaaq "saavani nunaminertat" uuminngalu taarserneqassallutik "inissiivissaq biilinillu inissiisarfiit"

1.23 pillugu

Tungavioq	Aaqqitassat	Allannguuteqanngilaq
Oqaaseqaasiarineqartut ingerlatsivimmit attanneqarput. Tamanna pilersaarummut teknikkimut ajornartorsiummut tunngassuteqanngilaq.		

1.24 Akerliliisup erseqqissaatigaa "Mittarfimmi eqqaanilu isumannaallisaanermi ingerlatsinermilu malitassanik arlalinnik allagartaliinissaq annertuumik pisariaqartinneqassaaq."

1.24 pillugu

Tungavioq	Aaqqitassat	Allannguuteqanngilaq
Ingerlatsiviup isumannaallisaanermut ingerlatsinermullu tunngatillugu allagartalersuineq suliffeqarfimmut attuumassuteqartutut naatsorsuutigaa. Taamaattumik taamatut allagartalersuinermit tunngassuteqartut §21.3 imm. 14-imi pineqarput.		

1.25

"Qupperneq 20 immikkoortoq 3 imm. 1: Ilanngussaq 3-mi biiliniq uninggatitsiveqarnermi tunngavinnik allaqqasooqanngilaq."



1.25 pillugu

Tunggaviusoq	Aaqqitassat	Allannguuteqanngilaq
Ingerlatsiviup naqissuserpaa, kommunimut pilersaarummut tapiliussami biilnut inissiivinnut nunaminertanik atugassiisoqartoq. Nunaminertat taakku qanoq atorneqarnissaannut tunggasut sanatitsisup akisussaaffigaa.		
Ingerlatsiviup §21.3 imm. 1-imi oqaaseqaatit iluarsissavai, ima allaqqalissaaq: Biilnut inissiiviit ilanngussaq 3-mi takutinneqartutut immikkoortuni pilersinneqarsinnaapput		

1.26

”Qupperneq 20 immikkoortoq 3 imm. 5: Una peerneqassaaq *”amma illup isui”* Tamassumunnga tunggavilersuut tassaavoq illut isui timmisartut timmiffigisartagaanni inissisimanerat.
Una peerneqassaaq *”saavaniiffiusinnaasoq/ saqisaartarfiliaq qulakkeerneqassaaq”*. Tamassumunnga pissutaavoq inissiivissamik pisariaqartinneqartumik pilersitsisoqartussaana.

1.26 pillugu

Tunggaviusoq	Aaqqitassat	Allannguuteqanngilaq
Ingerlatsiviup oqaaseqaatini 'illup isui' piissavai. Ingerlatsiviup attappaa, illut saavani nunaminertanik naammattunik uninngaarfiusinnaasunik pilersitsisoqassasoq.		

1.27

”Qupperneq 20 immikkoortoq 6 imm. 2: Allaqqasoqartariaqarpoq qaartitikkat sinneruttut (sanaartornermi atorneqartussaangitsut) Kommuneqarfik Sermersuumit pineqassasut.”

1.27 pillugu

Tunggaviusoq	Aaqqitassat	Allannguuteqanngilaq
Ingerlatsiviup erseqqissaatigaa qaartitikkat tamarmit kommunimit pigineqarmata. KAIR-ip sanaartukkami atorsinnaagai isumaqatigiissutigineqarsimasoq pilersaarusionermut teknikkimut attuumassuteqanngilaq. Oqaaseqaatit attanneqarput.		

1.28

Akerliliisoq uparuaavoq qupperneq 21-mi ilanngussaq kukkusooq innersuussutigineqartoq.

1.28 pillugu

Tunggaviusoq	Aaqqitassat	Allannguuteqanngilaq
Ingerlatsiviup iluarsissavaa ilanngussaq 3-mik allaqqalersillugu.		

x/x Tusarniaanermut akissutit tiguneqarsimasut tamarmik.

Inussiarnersumik inuulluaqqusillunga

Med venlig hilsen

Sanarfinermut Avatangiisinullu Ingerlatsivik

Illoqarfimmik inerisaanermut immikkoortortaarfik